



Гулаҳ эмас, ЛЕКИН ҲАММОМДА ЯШАЙДИ

Судбозликнинг ҳам, қоғозбозликнинг ҳам охири кўринмайди. Бутун бошли идоралар битта ноқонуний дарвозани олиб ташлай олмайди, аниқроғи, хоҳламади. Истаса-да, кучи, қурби етмади.



Энг муҳим вазирликдан ҳам МУҲИМРОҚ СОҲА

Халқаро майдонда мамлакатимизни турли ахборий хуружлардан ҳимоя қилиш, унинг нуфузини янада ошириш учун шундай ахборот манбаига катта эҳтиёж сезилмоқда.



Рус тилидаги МИЛЛИЙ ГАЗЕТАМИЗ

У ёзган мақолалар ва тайёрлаган суҳбатларни газетхонлар нафақат мамлакатимизда, балки хорижда ҳам катта қизиқиш билан ўқийдилар. Унинг газетадаги ҳар бир салмоқли чиқиши газетхонларда қизғин фикр ўйғотиб, баҳс-мунозараларга сабаб бўлади.



ЗАМОН ТАЛАБИ

Фикр

Интернет саҳифаларида ўзим излаб юрган бир дастурни кўриб қувониб кетдим. Уни сотаётган сайтдан рўйхатдан ўтиб, анкета саволларига жавоб бергач, юклаш тугмасини босдим. Аммо дастур нархи анчагина қиммат экан. Яхшиси, дўжондан сотиб оларман, деган фикрга келиб, тармокдан чиқдим.


Мени хайратлантиргани — эртаси кун электрон китоб, қўлланма ва дастурлар савдоси билан шуғулланувчи пойтахтимиздаги мазкур фирма вакили кўнгирок қилиб, ўша дастур бўйича гап очди: «Дастуримиз сизга манзур бўлганидан хурсандимиз. Юклаб олмоқчи бўлган экансиз, нимасидир ёқмади, шекилли. Эҳтимол, сизга қулайроқ нархни таклиф этармик? Сизни яна қандай дастурлар қизиқтиради?...» Кейин билсам, телефон рақамимни мен тўлдирган анкетадан олган экан.

Очгини айтганда, мижозларга бу даражада жиддий эътибор, уларнинг эҳтиёжига қараб ўз хизмати ва маҳсулотини таклиф этиш, қисқаси, ажабтовур сервисни биринчи марта кўришим эди. Замонавий бизнес, маркетингнинг биринчи шarti бўлган мижозлар билан ишлашнинг бундай намунасини одатда биз хориж фильмларида кўраётган эдик. Агар бир неча йил олдин ҳар қадамда учрайдиган ҳолат — харидорга парво ҳам қилмайдиган «тўнка» сотувчидан асабларимиз қақшаганини эсласак, хурсанд бўлишга арзийдиган янгилик.

Аслида бозор иқтисодиётининг асосий шarti ҳам шу. Модомки, даромад манбаи харидор экан, биринчи вазифа — унинг кўнглига йўл топиш. Буни англаб етган тадбиркорларнинг энди ошгани олчи. Савдоси юришмаган, ишларидан барака қочган тадбиркорнинг дўконига кириб, ходимларининг муомаласини кузатсангиз, муаммонинг асл сабабини англайсиз. Савдодан мисол келтирдик. Бугунги кун талаби эса барча соҳада замон билан ҳамнафасликни тақозо этмоқда. Профессиналлик, мижозлар билан ишлашни тўғри ташкил этиш, айниқса, хизмат кўрсатиш соҳасида энг долзарб масалалардандир.

Энг муҳими, илгор тадбиркорларимиз замон талабини, ҳар бир харидор, мижоз билан зарур бўлса, алоҳида ишлаш лозимлигини тушуниб етмоқда. Бу эса ўз самарасини бериши, юртимиз ободлиги, халқимиз фаровонлигининг ошшига хизмат қилиши шубҳасиз.

Анвар АХМЕДОВ,
Самарқанд.



Ҳакимбой Эгамбергано
1995 йил 12 августда
Хоразм вилояти
Урганч туманида туғилган.

Қатор республика ва
халқаро олимпиадалар
ғолиби, олти олтин, бир
кумуш медаль соҳиби.

2015 йил «Ўзбекистон
белгиси» кўкрак нишон
ни, 2018 йил «Мард
ўғлон» Давлат мукофоти
га сазовор бўлган.
«2017 йилнинг энг яхши
талабаси» номинацияси
бўйича Ўзбекистон —
Европа иттифоқи муко
фоти соҳиби.

У АМ этанган таҳкам тутиб

К узатувларнинг шохидлик беришича, математика илмини пухта ўзлаштирган кишининг таҳлилий ва маънавий фикрлаш даражаси юқори бўлади. У нафақат мисол ва масалаларни ечишда, балки ҳаётдаги турли вазиятларда ҳам тезкорлик билан қарор қабул қилиш, муҳокама ва музокара олиб бориш, ишларни бос

қимча-босқич бажариш қобилиятини ўзида шакллантиради. Математикаларга хос фикрлаш келажақда амалга ошироқчи бўлган ишлар, тева-рак-атрофда юз бераётган воқеа-хадисалар ривожини кўра олиш даражасига олиб чиқади.

Математика илмига тамаал топини қўйган буюк аллома ал-Хоразмий днрида туғилиб, вояга етган Ҳакимбой Эгамберганога ҳам ана шу сифатлар бегона эмас.



Очиқ гап

Намунавий уйлар СОҲИБЛАРИ

Бойсунлик фуқароларнинг бу йил ҳам намунавий лойиҳалар асосида қурилган уйимизга сел кирди, ҳовлимизни лойқа сув босди, деган гапларига ишонгимиз келмади.

Негаки, бу уйлар олдингидек дуч келган жойга гуваладан таваккал қурилмаган-да! Аниқ ҳисоб-китоб, хавфсизлик масаласи ҳар томонлама эътиборга олинди, тегишли ташкилотларнинг хулосаси ва малакали мутахассислар тавсияси асосида барпо этилган.

Шундай экан, бундай гап-сўзлар қаёқдан чиқди?

Ж орий йил 19 май кун Сурхондарё вилоятида кучли ёмғир ёғди, айниқса, Бойсунда кўп ёғди. Октябрда туманининг Мустақиллик маҳалласида бунёд этилган намунавий лойиҳалар асосидаги замонавий уй-жойлар турли даражада талафот кўрди.

Бўлгани боис баҳорда ҳам, ёзда ҳам қутилмаганда осмонда булут пайдо бўлиб, шаррос ёмғир ё дўл ёғиши ҳеч гап эмас, — дейди мазкур маҳаллада яшовчи Файзулла Нормаматов. — Осмонга булут чиқса, болаларимиз билан юрагимизни ховучлаб ўтирадиган бўлиб қолганмиз. Ишқилиб, уйимиз ёндан ўтадиган сел ўзанидан

тошиб кетмасин, дея хавотирда тураемиз. Ишонинг, бу йил уйимизни биринчи марта сел босаётгани йўқ. Девор ва шифтлардаги ёриқлар ўша селларнинг таъсири. Аввал ҳам баҳорда шунга ўхшаш хадисалар юз берган. Бироқ, бу йилги ёвнарчилик бизни жуда шошириб қўйди. Ўзанидан тошган сел пишқириб, уй ичигага кириб келди. Бино чўкиб, хоналардаги ёриқлар кенгайди. Кўшимча иморатларга ҳам катта зарар етди. Экинлар лойқа остида қолди. «Жигули» машинамини сотиб, кўрилган зарарни қопладим. Энди сел суви йўлини ўзгартиришни сўраб, туман ва вилоят ҳокимлигига, бошқа му-

тасадди ташкилотларга мурожаат қилаемиз. Бунинг иложи бор, деб ўйлайман. Лекин натижа бўлмапти. Қуруқ ваъдадан бошқа бирон чора кўрилмапти. Иқлим йилдан-йилга ўзгариб бораётгани сабабли табиий офатдан жиддий хавотирдамиз. Замонавий уйда хотиржам яшаймиз, деб ўйлагандик, лекин бундай бўлмади, тўғриси, хурсанд эмасмиз. Яхшиям сел тошқини кундузи бўлди, мабодо тун бўлганида борми, худо асрасин! Мурожаатларимиз билан биз фақат ўзимизнинг эмас, сел йўли бўйлаб яшаётган барча аҳоли хавфсизлигини назарда тутмоқдамиз.



КЕЙИНГИ СОНЛАРДА:

“ҲАР БИР
ҚЎШИҒИНГДА
ВАТАН ЯРАЛСИН!”

Ўзбекистон халқ артисти
Маҳмуд НАМОЗОВ билан суҳбат

Хавф:
САРХОНАНИНГ
ТУТУНИ

ДУНЁНИ ЗАБТ
ЭТАЁТТАН ТЕЛЕКАНАЛ

УЛАР БИРГА
САЙР ҚИЛИШНИ
ХУШ КЎРАР ЭДИ





Табиатнинг ноёб гўшаси

Музейга саёхат

Ёши қарийб бир ярим асрга тенг Ўзбекистон давлат табиат музейи — пойтахтимизнинг гаройиб масканларидан бири, табиатнинг ноёб гўшаси. Зеро, бу ерга келган табиатсевар мактаб ўқувчилари, болакайлар, албатта, олам-жаҳон таассурот олишлари турган гап. Энг муҳими, жонажон Ўзбекистонимиз табиатининг мўъжизакор ва гаройиб сир-синоатларига ошно бўлишди. Ватанимиз ҳайвонот, наботот оламиндан сўзловчи экспонатлар болажонларни ўзга дунёларга етаклайди. Шу ўринда бир янгилик, ўқувчилар ёзги таътилни кўнгилли ўтказишлари учун ҳафтанинг сешанба, шанба кунлари барча музейлар қатори бу масканга ҳам кириши бепул. Энди ўқувчиларда вақтини турли компьютер ўйинларига бағишлаш эмас, балки музейларга саёхат қилиб, ўз тафаккурини бойитиш имкони туғилди. Бу ўз навбатида ёшларнинг табиатга, Ватанга меҳр билан улғайишига ҳисса қўшиши табиий.



Бугун юртимизда барча соҳалар қатори музейлар ва музейшуносликни ривожлантиришга янги қадамлар қилинмоқда. Айниқса, туризм соҳасига берилган эътибор ўз навбатида музейлар фаолиятининг ҳам жонланishiга жиддий туртки бўлаётган. Айни пайтда Ўзбекистон давлат табиат музейи ва вилоятлардаги ўлкашунослик музейлари ўртасида мустахкам алоқа ўрнатилиб, экотуризмни ривожлантириш юзасидан тегишли тадбир ва режалар ишлаб чиқилган.

Республика музейларида илгор техника ва технологияларни жорий этиш, ахборот-ресурс марказлари фаолиятини ривожлантириш борасида ҳам янги лойиҳалар амалга оширилмоқда. Соҳага оид дунёга машҳур илмий марказлар билан ҳамкорликда илмий-тадқиқот ишлари амалга ошириляётгани ҳам келгусида улкан ютуқлардан далолатдир.

Айтиш керакки, музей соҳасининг ёш кадрлар билан таъминланишида Камолитдин Бехзод номидаги илмий рассомлик ва дизайн институтининг ўз ўрни бор. Энг сўнгги янгилик, эндиликда институтда музейшунослик бўйича яна учта йўналиш иш бошлади. Бу ҳам шубҳасиз, тизимнинг келгуси ривожига хизмат қилади.

Шаҳризода
РАҲМАТОВА

Мерос

Кўпни кўрган кексаларимизнинг суҳбатига қулоқ тутсангиз, “Белбоғи бор эр йигитнинг бели бакуват бўлади” ёки “Белингдаги белбоғинг бўшамасин”, деган гапларини эшитамиз. Азалдан белбоғ мардлик, орият ва жасурлик тимсоли бўлиб келган. Йигитлик мавсумига қадам қўйган ўсмирларнинг белига отаси ёки тоғаси “Илоҳим, белинг бакуват бўлсин!”, деган яхши ниятда белбоғ боғлашида ҳам ана шу маъно мужассам.

Қадимий ёзма ёдгорликлардан бири “Авесто”да бола 15 ёшга тулганда маҳсус “белбоғ боғлар” маросими ўтказилганлиги хақида маълумотлар бор. Халқимизнинг никоҳ тўйи маросими билан боғлиқ удумларида ҳам бу ўзининг рамзий ифодасини топаган. Масалан, Қашқадарё вилоятининг Яккабоғ туманидаги анъаналарга қўра, қуёв томондан қизга совчи юборилганда йигитнинг бобоси ёки отаси совчиларнинг бўшаб бериши бўлади. Киз хонадонига борган совчи ўтириб гап бошлаш асосида белидаги белкарсини бўшаб қўяди. Шундай қилинса, киз томон ҳам бундан «бўшашиб» қудалашига рози бўлади. Андижонлик совчилар киз хонадонига олиб борадиган совға-саломлари орасига битта кичкина оқ туғунча ҳам қўшиб қўяди. «Шайтон оралама» деб аталадиган бу туғунча «қудалашаётган икки оила орасига совуқлик тушмасин, муносабатлари хамиша илик, совчиларнинг йўли оқ бўлсин», деган мақсадда қўйилади.

Агарда киз томон қудалашига рози бўлса, совчиларга

Белида белбоғи бор йигит



тўн кийгизиб, белига белбоғ боғлайди. Қуёв томон совчилардан қайтиб келган кишиларга «Бўрим, тулкими?» — деб савол беради. Агар совчиларнинг иши битган бўлса «бўри» деб жавоб беради, бўлажак қуёвнинг отаси ёки бобоси ҳам совчининг белига белбоғ боғлайди.

Тошкент шаҳри ва унинг атрофидаги айрим кишлоқларда никоҳ тўйида тортишмачоқ удуми ўтказилганда белбоғ ишлатилиши кузатилади. Анъанага қўра, қуёвни чимилдикка киргизиб қўйиб, кейин кизни чодир (палак, қўрпа, тагдўзи палак) билан бирга уйга олиб кириб, бир томонда киз тараф, иккинчи томонда йигит тараф туриб ёш, соғлом, кучли жувонлардан бири белига белбоғ боғлаб ўртага ту-


шади. Киз-жувонлар кийкириб тортишади. Охири бир томон зўр чиқиб енгади. Чодир ичида кизни тайёрлаб турадилар, шу пайтда қуёв чиқиб келишни чимилдикка олиб кириб кетади.

Сурхон воҳасида эса қизлар бўлажак ёрига атаб чопон, белбоғ, дўппи тикади. Бу либос-

Хуллас, белбоғ асрлар мобайнида ориятлик, куч-қувват, баҳодирлик ва жасурлик тимсоли сифатида йигитларимизнинг гурурини кўкка кўтариб келган мўътабар либос. Шундай экан, ўз юртининг ҳар қарич тупроғини муқаддас билган, оила кўрғонини кўрагини қалқон қилиб асраган ҳар бир йигитнинг белида белбоғи бор бўлсин!

Шаҳодатбону ИМОМНАЗАРОВА,
Ўзбекистон Фанлар академияси
Ўзбек тили, адабиёти ва фольклори институти
катта илмий ходими,
филология фанлари бўйича фалсафа доктори

Асов қашқа



Абдуғани ЖУМА фотоси

Кўзларига ёш қанқиси

Қизалоқ ошхонага кирганида онаси кечки овқат тараддудида эди. У қўлларини артган, қозони олиб ўқий бошлади. Унда қуйидаги рўйхат ёзилган эди:

- “борни тозалаяганим учун — 5 лира”;
- “дўконга бориб келганим учун — 10 лира”;
- “укамга қараганим учун — 15 лира”;
- “хонамни тартибли сақлаганим учун — 1 лира”;
- “ахлат ташлаб келганим учун — 1 лира”;
- “аъло ўқиганим учун — 25 лира”;
- “жами: 57 лира”.

Она табассум қилди. Қиз сабрсизлик билан жавоб қутар экан, қозони ўтириди-ю, шундай ёзиб берди:

“Сени тўққиз ой қорнимда олиб юрдим — текин”

“Тунари бедор бўлиб, оромингни ўйладим, касал бўлсанг тузалишинг учун нима зарур бўлса, қилдим, дуоғўйинг бўлдим — текин”

“Йиллаб сарфлаган вақтим, хатти-ҳаракатларим, қўзғашларим — текин”

“Тунари келажингни ўйлаб чеккан изтиробларим, хавотирларим — текин”

“Сенга берган тавсия ва билимларим — текин”

“Ўйинчоқларинг, озиқ-овқатинг, кийимларинг — текин”

“Оқ ювиб, оқ тариганим — текин”

“Қизим буларни жамлаганингда, меҳр-муҳаббатининг текинлигини кўрасан”.

Бу сўзларни ўқиган қизалоқнинг кўзларида ёш ҳалқаланди.

Бошини кўтариб:

“Сизни жуда яхши кўраман, мени кечиринг, ойижон”, деди.

Кейин эса ўзи ёзган рўйхат тагига катта-катта ҳарфлар билан ёзиб қўйди:

“Ҳаммаси тўланган”.

HURRIYAT

Бош муҳаррир
Қулман ОЧИЛ

Газета 2007 йил 3 январда Ўзбекистон Республикаси Матбуот ва ахборот агентлигида 0080 — рақам билан рўйхатга олинган. Ҳажми 4 босма табоқ, Бичими — А-2. Баҳоиси келишилган нархда

Телефон:
(0-371) 244-32-68, 244-32-91
Тел-факс: (0-371) 244-32-80
Реклама ва маркетинг бўлими: (0-371) 244-32-88

Манзилы: 100129, Тошкент шаҳри, Навоий кўчаси, 30-уй.
Elektron manzil: gazhurriyat@mail.ru; info@uzhurriyat.uz

Муассис:
Ўзбекистон Журналистлари
ижодий уюшмаси

Ахборот ҳамкорчилиги:
Ўзбекистон
матбуот ва
ахборот агентлиги

Тахририятга келган хатлар
домий эътиборимизда бўлиб,
улар муаллифларга қайтарилмайди.

Топширинг вақти — 20⁰⁰
Топшириқ — 18⁰⁰

Индекс: акса
обуначилар ва
ташкilotлар
учун — 233

Газета тахририят компьютер марказида терилди
ва дизайнер Нигора Ташева томонидан саҳифаланди.

Навбатчи: Бобур Муҳаммадиев

“O‘zbekiston” НМИУ босмахонасида чоп этилади.
Босмахона манзили: Тошкент шаҳри, Навоий кўчаси, 30-уй.